

الفرق اللي ما بيني و بينك



الفرق اللي ما بيني وبينك

إني استنيت

وماقولتش عادي ماهيش فارقة

ورocht استغنيت

وغزلت من الفرقة حكاية

وعقدت خيوطها في قلب البيت

وعزلت مشاعري عن العالم

وحبست الأنفاس جوايا

وبنفسك أنا عمري ما ضحيت

وفضلت اتنفس م الداخل

باخل على نَفْسي وع الرئتين

تستقبل أنفاس من بره
الفرق اللي مابيني وبينك
إني انا عارف انك جمرة
ورضيت إني اقبلها في حضني
لحد ما دبت
والثلج اتبخر م الضمة
ومن التزييف
أصبحت سحاب
بتطوف فوق راسك تحميكي
تنزل لك مطرة في عز الصيف
تقابلها مشاعرك ببرودة
فتجمدها
واتحول فجأة لتوب الثلج

اللي بيحلم
يتبخر تاني على إيديكي
فيعيد الكرة ويحميكي
أصبحت انا عاشق للذوبان
الفرق اللي ما بيني وبينك
إن انا إنسان